

中國佛寺志叢刊

趙樣初



清·許棫纂述

馮效亮參校

重修馬迹山志

廣陵書社

重修馬迹山志

《重修馬迹山志》八卷首一卷，清·許棫纂述，馮效亮參校，據南京博物院藏清光緒六年（一八八〇）刻本影印。

太湖古稱震澤，地跨江蘇、浙江兩省，為我國第三淡水湖，湖中大小島嶼四十八個，連同沿湖的山峰和半島，號稱七十二峰，其中以洞庭東山、西山、馬迹山、三山、鼇頭渚為最著，組成一幅山外有山，湖中有湖的壯麗天然圖畫。馬迹山屬今江蘇無錫市，相傳秦始皇東游，神馬踐石成迹，故名馬迹山，因其東有夫山，西有椒山，又名夫椒山。山中有神峻寺、栖霞庵等，神峻寺初名小靈山，宋大中祥符間（一〇〇八）改祥符禪院，後祖仁皇帝賜名神峻寺，今著名的靈山大佛即於此。

馬迹山散見於古今圖志，而未見詳述，故作者闡微發幽，編纂本志，全書共八卷，卷首為舊序、纂修姓氏、例言、馬迹山全圖；卷一為太湖紀略；卷二為馬迹總紀、灣名總紀；卷三為峰嶺、河港；卷四為賦役、風俗、物產、災異；卷五為祠祀、古迹、冢墓；卷六為薦舉、貢士等；卷七為孝義、文學、栖隱；卷

八爲列女等。全書詳述了馬迹山的地理形勝，雖所記寺院篇章不多，但可據此究馬迹山佛事淵源，故收於本集中。

嚴 嵐

2

重修馬

蹟山志

光緒歲次屠維
單閏陽月古夫
樹馮效琮楊藥

昔宋子京修唐書自云文減於前事增於舊烏虜豈易
言哉不特正史當如是郡邑志及志一山一水體例隨
地不同而文詞莫不以簡該爲貴馬蹟山水鄉也明錢
隱君西青始勅志質而不詳諸文人續修不一具區外
史陳履儼本爲備而蕪雜不倫許桐邨可權踵輯之稟
久佚蓋一鄉之山川田賦科名文物闕焉不顯於世者
餘三百五十年於茲矣諸同人請曰郡邑志及他書往
往引徵山志顧未有刊本及茲不修則舊稟散佚新蹟
日湮將一山之掌故無復存焉者是豈西青具區諸先
生意乎先生其無辭予曰唯唯形謀有年倏焉衰齒目

不相聽神不相使幸馮生效亮淹聞多識快予痛釐叢
歲博按節義編爲七卷偏隅小乘何敢云文減事增哉
聊以竟前人婁修未竟之志而郡邑大夫敷政之暇相
與觀鄉而問俗亦足資以考鏡云爾光緒六年庚辰十
月八十一老人許棫序

重修馬蹟山志目錄

卷首

舊序

纂修姓氏

例言

馬蹟山全圖

卷一

太湖紀略

卷二

馬蹟總紀

灣名總紀

卷三

峯嶺

泉石冊

河港

津渡橋
梁冊

卷四

賦役 風俗 物產 灾異

卷五

祠祀 寺觀附 古蹟 冢墓

卷六

薦舉 鄉會榜 貢士 附 生員 武鄉科

仕宦 附 雜宦

卷七

孝義 文學 棲隱

卷八

列女

重修馬蹟山志卷首

錢西青馬蹟山志序

馬蹟山一曰夫椒在震澤中爲武進屬地舊無志卽有之附郡邑志中不詳淮之師錢師舜先生山人也慮事無紀載則久將泯沒無以施於後世於是訪故老搜雜記參之己見而別爲志焉志成走書使過江命爲序淮惟水平王佐禹治水有教民浚導之功宋劉晏出兵破寇解吾常之難此祀典所謂能禦大災捍大患則祀之者也夫何歲久廟毀爲東岳行祠不有先生白之官以復則二賢之祀不幾廢亡乎錢氏女夫亡夫兄欲奪其

志女乃自縊以死堵氏女因父溺水乃痛哭入水救父亦死志節凜凜與漢曹娥夏侯令之事絕相似不有先生著之則二女之死孰從而知之孰從而表揚之乎夫興祀典以報有功表貞節以厲風俗此皆有政之大者也使由是而行之遠焉其有補於鄉邦多矣夫古之君子得位則行其道不得位則行其言先生學博行修不爲祿仕豈亦行其言夫嘉靖五年丙戌秋八月南京太僕寺卿門人宐興杭淮謹序

錢西青馬蹟山志後序

馬蹟山散見古今圖志皆止備山川形勝而地莫詳焉

者舉其要以該博勢有所不能也東南諸山在震澤者
或中峙或旁列湧金浮玉於雲濤煙水中世傳七十有
二其閒委蛇博衍高深幽曠民生林如閭閻都如物采
郁如惟洞庭與茲耳夫自有民居卽有官師之制有禮
樂教化之施有貢賦力役之征有風俗滄滴之變又烏
知不有善可爲勸惡可爲戒者於其閒哉歷世旣遠往
迹漸滅予與西青錢師舜氏居山之中每語及此輒相
感歎謂無載籍爲茲山闕典期其纂成之數十年來余
宦轍南北莫措一詞嘉靖乙酉秋歸自湖藩師舜志且
脫橐以示余其言覈而不浮其辭質而不俚峯嵐巖壑

名稱之傳訛者正之義隱晦者加彙括而疏之民德拯
援廟祀之奪於流俗者嚴考索而復之節孝之晦於貧
而有足徵信者表之養恬樂善終老丘樊士不累於俗
者錄之他如物產仕進履歷古今題詠之類綱提領挈
有倫有則幽微闡而勸懲寓炳若一方之史自茲同志
君子出而續之傳信將來固師舜乎託始亦師舜之心
也嘉靖丁亥正月夫林山人丁致祥序

錢西青馬蹟山志跋

右馬蹟山志西青錢先生所編也嘗屬憲較一過既而
雙溪杭先生爲序諸首復持示屬綴一言於尾夫古君

子之志未嘗不在翼世而善俗雖一言動亦寓教焉而況著述之大豈徒工鉛槧哉山在武進東南震澤中其名見於吳越春秋國語史記諸書矣然而泉石之幽勝俗里之敵朴土地之產育人才之彪炳忠貞節義之軒特未有表章而紀述者後之君子欲稽往迹徵文獻無祀宋之歎先生爬羅搜採集以成書事核而該辭質而明忠臣節婦尤惓惓示勸俾觀者一展卷而得茲山之勝且覩前哲之遺規仰羣逸之芳躅將愾然有思齊之意興起人心有神風化所謂教亦行乎其間而先生翼世善俗之志顧不少見哉先生博學至行隱居授徒

雖老而著述不衰其遊世有得者與嘉靖丁亥六月古
菴毛憲跋

徐午義續修馬蹟山志序

志棄
佚

國有史方州郡邑各有志若夫鄉則統於邑矣曷志哉
馬蹟山吾武進東南之一鄉也鄉曰迎春爲生氣所自
來地當巽隅而山在具區三萬六千頃中雲濤吞吐文
明之所繫也茲山以鄉著故獨有志焉志一鄉志一山
也三江旣入震澤底定見於禹貢吳王夫差敗越於夫
椒見於春秋馬蹟相傳秦始東游神馬所踐或謂是漢
郁使君唐玄奘法師又以爲小靈山山之得名久矣其